



Broj: 02-04-1756/25-AP-3
Datum: 04.12.2025. godine

Na osnovu člana 13. Poslovnika o radu Privrednog savjeta Općine Zavidovići, broj: 02-05-1818/17 -AP-12 od 30.06.2017. godine i broj: 02-04-29/21-AP-25 od 27.04.2021. god., na 4. sjednici Privrednog savjeta Grada Zavidovići, koja je održana 03.12.2025. godine u Velikoj sali zgrade Grada Zavidovići sa početkom u 15:30 sati, sastavljam

ZAPISNIK

Na sjednici Privrednog savjeta prisutni su: Ernad Ridžal, Enesa Bukvić, Samira Mahmić (za Fehima Tuzlića), Alen Jusupović, Džeraldina Miličević, Mirela Bašić, Erna Merdić Smailhodžić, Ajdin Polić, Kasim Fazlić, Kasim Begić.

Ostali prisutni: Midhat Bajramović.

Na sjednici Privrednog savjeta nisu prisutni: Benjamin Mujanović, Sabahudin Horozović, Marcel Slišković, Adnan Turić, Amir Omerašević, Rasim Mrkonjić, Birnas Parić, Samir Šibonjić.

Konstatuje se da je na sjednici prisutno 10 članova Privrednog savjeta od ukupno 18 članova.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta.

Predsjednica Privrednog savjeta Erna Merdić Smailhodžić predlaže sljedeći dnevni red:

- 1) Status zaključaka donesenih na sjednicama Privrednog savjeta Grada Zavidovići,
- 2) Nacrt Budžeta Grada Zavidovići za 2026. godinu,
- 3) Nacrt Odluke o izvršenju Budžeta Grada Zavidovići za 2026. godinu (izvjestilac Ad.2. – Ad.3.: Midhat Bajramović, pomoćnik gradonačelnice),
- 4) Razno.

Dnevni red se stavlja na diskusiju i pozivaju se članovi Privrednog savjeta da predlože izmjene ili dopune predloženog dnevnog reda.

Dnevni red se usvaja jednoglasno bez izmjena i dopuna i prelazi se na rad po istom.

Ad.1. Status zaključaka donesenih na sjednicama Privrednog savjeta Grada Zavidovići;

Džeraldina Miličević: Od službe za upravu poljoprivrede, vodoprivrede i komunalnih poslova dobili smo informaciju da su djelomično izvršili zaključak. Rješenja o imenovanju savjetodavnog tima za izradu analize poljoprivrede, upućen na odboravanje gradonačelnici.

Zaključak: Informacija se prima k znanju.

Ad.2. Nacrt Budžeta Grada Zavidovići za 2026. godinu

Ernad Ridžal: Radi li se o budžetu za 2025. ili 2026. godinu?

Džeraldina Miličević: Budžet za 2026. godinu.

Pojašnjenja po ovoj tački dnevnog reda dao je izvjestilac, pomoćnik gradonačelnice u službi za upravu finansija, budžet i trezor Midhat Bajramović. Naveo je da je 03.12.2025. godine održana javna rasprava za budžet. Obzirom da su materijali obimni, objasnio je pojedine stavke koje su značajnije. Budžet izgleda kao da je značajno rastao, međutim to je iz razloga što su svi prihodi i rashodi javnih ustanova uvršteni u ovaj budžet, a oni se tiču prihoda i rashoda za razne vrste pomoći, kao što su dječiji dodatak, porodične naknade i slično. Budžet je za 7,41 milion KM veći od prošlogodišnjeg, upravo iz razloga prikazivanja prethodno navedenih stavki javnih institucija, kao što je Centar za socijalni rad. Namjenska sredstva za kapitalne investicije povećana su za 700.000 KM, povećanje je i iz razloga jer je sljedeća godina izborna, pa se očekuje veći priliv nova s viših nivoa. 1,1 milion KM čine prihodi od poreza.

Na rashodovnoj strani, planirana su sredstva za održavanje i sanaciju Gradske sportske dvorane, izdvajanje za redovan rad ustanova i slično. 4,85 miliona su rashodi na ime pomoći koje isplaćuju javne ustanove, kao što su dječiji dodatak, naknada za porodičje. Centar za kulturu imao je vlastitih prihoda od prodaje karata, iznajmljivanja sala za razne potrebe i slično. Kada su u pitanju plate u upravi predviđen je rast osnovice. Za potrebe komunalnog preduzeća previđena su veća izdvajanja zbog održavanja komunalne higijene. Izdvojeno je 165.000 KM više za kapitalne investicije nego u prethodnoj godini, a upravo zbog većeg iznosa sredstava koji se očekuje sa viših nivoa. Pohvalan je projekat Crvenog križa sa Caritasom za zdravo starenje, gdje je izdvojen veći iznos sredstava nego u prošloj godini.

Rasprave po ovoj tački dnevnog reda nije bilo.

Zaključak: Informacija se prima k znanju.

Ad.3. Nacrt Odluke o izvršenju Budžeta Grada Zavidovići za 2026. godinu

Izvjestilac po ovoj tački dnevnog reda Mžidhat Bajramović, navodi da se u Odluci o izvršenju budžeta prikazuje kako se koji transfer troši, odnosno kako se provodi budžet. Dodatno, navodi kako se od sljedeće godine ukida plaćanje takse na istaknutu firmu. Privrednicima dobra vijest, za gradsku upravu malo manje, obzirom da iznos koji je do sada bio prikupljan od ove takse 140.000 KM će faliti u budžetu.

Zaključak: Informacija se prima k znanju.

Ad.4. Razno

Džeraldina Miličević: Informacija vezana za projekat 'LER u BiH', ostalo je neutrošenih cca 600.000 KM. Biti će objavljen javni poziv od strane Caritasa, gdje će moći aplicirati samo privredni subjekti, uz uslov da projekat ima društvenu komponentu. Naprimjer, nabavka mašina će biti moguća, ali da se organizuju obuke za učenike za rad na toj mašini. Javni poziv će biti objavljen na stranici gradske uprave, kada bude aktuelan.

Zaključak: Informacija se prima k znanju.

Sjednica završena u 15:55 sati.



**ZAPISNIK OVJERAVA
PREDSJEDNICA PRIVREDNOG SAVJETA**

mr. iur. Erna Merdić Smailhodžić